

**Arsaannermik unammersuarnermi malittarisassat
2010-mi illup iluani pissartangorniunnermi**

§ 1: Unammeqataasinnaaneq

Kalaallit Nunaanni Arsaattartut Kattuffiata (GBU) iluani peqatigiiffiit ilaasortaasut kikkulluunniit unamminerni peqataasinnaapput.

Stk. 2: Peqatigiiffiit GBU-mut akiligassaqaangitsut peqataasinnaapput. Peqatigiiffiit aki-lersuinissamut atuuttumik isumaqatigiissummik GBU-mut isumaqatigiissuteqarsimasut GBU-p siulersuisuinit akuerineqartut aamma peqataasinnaatitaapput.

Stk. 3: Unammisartoq, unammeqattaarnermi peqataareersoq, unammeqattaarnerup inger-lanerani peqatigiiffimmi allami peqataalluni unammeqqissinnaanngilaq. Illup iluani unammeqataasoq, silami GM-mi peqatigiiffik alla sinnerlugu unammeqataasinnaavoq, tamatumani GBU'p malittarisassaani nuunnermi piumasarisaasut naammassisimassallugit.

Stk. 4: Unamminissaq aalajangiunneqarsimasoq, pingitsoortorli, unamminertut naatsor-suunneqarsinnaangilaq, pillaammik peqataasinnaannginneq eqqartorneqartillugu. Nalornisoqartillugu aqqissuineri ataatsimiititaliaq aalajangiisaaq.

§ 2: Nalunaarneq peqataanermilu akiliut

Nalunaarneq GBU-mut ingerlatinneqassaaq tamannalu piffissarititaasoq naatinnagu pissaaq taamatuttaaq akiliinissamut killigititaq, angissusissaa GBU-p siulersuisuinit aalajangiisaaq, eqquutsinneqassalluni.

Stk. 2: Pissartangorniunnissamut peqataassagaanni nalunaarnissamut akiliinissamullu piffissarititaasut eqquutsinneqarsimasariaqarput.

§ 3: Unamminerit allattorsimaffiat

Unammisaqattaarnissamut GBU suleqatigalugu peqatigiiffik aqqissuisuusoq unammisa-qattaarnerit allattorsimaffiannik nassiussisaaq, tassanilu ullut suut piffissarlu suna unamminerit ingerlanissaat allattorsimassapput.

Stk. 2: Unamminernut piffissarititaasut ingerlanissaannut peqatigiiffiit/holdit piffissariti-taasut eqqortissavaat.

§ 4: Unamminerit ingerlanneraat

Illup iluani GM puljenut agguataarlugu ingerlanneqassaaq kingusinnerusukkut Cup-itut ingerlanermut nuussaalluni, tassanilu aqqissuisut unamminerit qanoq ingerlanissaannik aalajangiisimanerat atuutisaaq.

Stk. 2: Pointilersorneq atorneqassaaq holdit tamarmik imminnut pulje-minni unammine-ranni, ajugaasut 3-nik pointinnattarlutik, assigiinnarunik 1 point ajorsartullu 0 point.

Stk. 3: unammeqatigiit unammisaqattaartoqatigiinni pointeqarnerpaat puljemi tassaniaju-gaasuussapput.

Stk. 4: Unammeqatigiiaat 2 imaluunniit arlallit pointimikkut assigiippata tulleriinnerit uku malillugit aalajangerneqassapput:

1. Imminnut unammineri (pointeqarneq malillugu)
2. Imminnut unammineranni isertitsisimanerit assigiinningsutaat
3. Taakkua assigiippata unamminerni tamani isertitat isetitsifigitinnerillu nikinganerunerit aalajangiisuusaaq. Assigiippata isertitsineq ajugaassaaq
4. Puljemi tamani unamminerni isertitsinerusimaneq
5. Halvlegi ataatsit sivistigisumik unammeqqittoqassaaq tassunga attuumassutilinni tamanut
6. Suli assigiinnartoqarpat unammineq isertitseriaqattaarnermik (straffespark) aalajangerneqassaaq. Holdinit tamanit isertitseriartut 3, amerlanernillu isertitsisut ajugaasuussapput, assigiinnartoqarpat holdit ataasiakkaarlutik isertitseriaqattaartuussapput unamminerup aalajangiivigineqarnissaata tungaanut.

Stk. 5: Peqatigiiffiit iluminni isumaqaatigiissinnaanngillat imminnut unamminngiinnassal-lutik taamaalillutillu pointit aviinnarlugit. Taamaaliortoqarpat taakkua naatsorsuunneqas-sapput tamarmik 0 pointertutut peqatigiiffiillu taakkua tamarmik unamminngitsoortutut naatsorsuunneqassallutik.

Stk. 6: Holdi, unammisinnaanani nalunaaqqaarani unamminngitsoortoq 0-3-mik ajorsartin-neqassaaq, taamatuttaaqaq unammisaqattaarnernit ilaatinneqaqqissanani.

§ 5: Arsaq unammiffillu

GBU arsamik unammissutaasussamik piareersimasuuteqassaaq. Arsaq ameramik qalligaas-saaq soorlu assersuutigalugu annoraassiassamik qallersimassanani.

Stk. 2: Peqatigiiffik aaqqissuisuusoq akisussaassaaq unammiffik GBU-p akuerisaatut isikkoqarnissaanut. Målerfittut atorneqassapput "håndbold mål-it" tassa 3 x 2 meterit.

Stk. 3: Nalunaaqutsersuutit: Assammik arsarluni unammiffiusartup nalunaaqutsersuutaa-nit makkua atorneqassapput:

1. Qeqqani titarneq (akeraq minnerpaamik 3 meter ungasitsigissaaq).
2. Målfelti tamakkiisumik titarnilik (6 meter titarnerusoq) atorneqassaaq, straffeliorneq taassuma iluani taamaallaat pisinnaavoq
3. 9 meteritit titartornerit kittorartaartut (assammik arsarluni titartorneq tre meter)
4. Isertitsisarfiit/Målerfiit

§ 6: Unammisut atisaat atortuulu

Holdit ataasiakkaat unammisartui assigiinnik atisaqassapput, taamaattorli målmandip atisai allamik qalipaateqassallutik. Tamanna eqquutitinneqanngippat dommerip unammeqatigiit aaqanngitsunik qalipaateqatigiinik atisitissavai, taakkuussappullu avataanit aggersutut taa-sanut atitinneqartussat. "avataanersut" tassaapput programmimi kingullertut taasat.

Holdi aaqanngitsunik atiserisunngissappat unammineq ingerlanneqarsinnaanngilaq holdilu taanna unamminermi 0-3-mik ajorsartutut naatsorsuunneqassaaq.

Stk. 2: Holdit marluk imminnut unammisussat atisaat assigiippallarsorinarpata holdit unammisut sorliunersut takujuminnaasinnaallutik, taava dommerip avataaniit aggersutut taasanut taaneqartunut aaqanngitsut tunniutissavai, imaluunniit avataaniit aggersutut taaneqartut atisatit taarsertariaqarpaat. Peqatigiiffiit ajornanngippat atisassat marluiit assigiinngitsut nassartariaqarpaat.

Stk. 3: Skuut kumminik atungallit (natermik sunniussisinnaanngitsut) atorneqassapput.

Stk. 4: Kanaarnaveeqqutit inassutiginarput, pinngitsaaliissutaanngillalli.

§ 7: Unamminerup ingerlanera

Unamminerup sivisussusaa tassavoq 2 x 6 minutsit (imlt. alla aaqqissuisut aalajangigaat), 1 minut missaani nikinneq sivisussuseqassaaq. Dommerip aalajangissavaa arsaaffiup qeqqani makitsinermi holdi sorleq aallartitsisusansersoq. Aallartitsinermi sumulluunniit saqissinnaavoq/tunniussinnaavoq tassa silamisuut siumukanneertariaqanngilaq.

Stk. 2: Aallartitsilluni isimmitsinermi toqqaannartumik isertitsisoqarsinnaanngilaq. Frispark-it tamarmik sakkortunerupput /toqqaannarsinnaapput (direkte) tassa imaappoq sakkukinnernik (indirekte) frisparkeqanngilaq.

Stk. 3: Arsaq uninngasoq isimminneqassatillugu akeraasut tamarmik minnerpaamik meter-inik pingasunik ungasissuseqassapput. Off-side atortinneqanngilaq. Frispark akeqqanut tunniutissaaq isimmitsisup soorlu "indsparkimi" allamit suli atorneqanngitsoq sulliulluni arsaq attoqqippagu. Dødboldit (målsark, indspark, hjørne il.il.) sekundit 5-it qaangiutsinnagit tiguneqarsimassapput, taamaanngippat arsaq illuanut tunniunneqassaaq.

Stk. 4: Ingerlaqqinnermi (cupkampe) unamminerit puljekampenisuulli halvlegit marluussapput. Naliggiitoqassappat straffeqqattaartoqassaaq, § 4 stk.4. pkt. 6. malinneqassaaq.

Stk. 5: "Pillaammik" isertitseriarneq (straffespark) pissaaq arnanut 7 meterimiit angutinullu 9 meterimiit. Aquttoq aamma isertitseriartussaaq kisimik pinnatik, allat tamarmik isertitseriarfissamiit (7 meteritut titarneq imlt. 9 meter) minnerpaamik 3 meteritut ungasitsigissapput, kittorartaarlunilu titarnerup 9 meterip avataaniissallutik.

Målmandi arsaq suli iserteriarneqanngitsoq siumut aallariapat, arsarlu iserteriagaq isin-ngippat, isertitseriaqqinneqassaaq, målmandilu mianersoqquneqassalluni. Taamaaleqqipat mianersoqqussumik sungaartumik tunineqassaaq. Pingajussaani taamaaleqqippat målmand anisinneqassaaq.

Frisparkimik taamalu straffemik imaalisoqaraangat tunisisoqassaaq, tassa ingasaassilluni sakkortusaarlunilu pisoqaraangat:

1. Akeraq isimmikkaanni imlt. isimmeriaraanni;
2. Naalliigaanni imlt. naalleeriaraani, sisoorluni imlt. peqilluniusimappat;
3. Akeraq pissiffiigaanni;
4. Akeraq ikusimmik (skulder mod skulder-iunngitsoq) akornusersoraanni;
5. Akeraq anaagaanni (patikkaanniluunniit) imlt. anaariaraanni;
6. Ajattaraanni (puffer).

Akeqqanut frisparkimik aamma tunniussisoqassaaq makkunanik 5-nik iliuuseqaraanni:

1. Akeraq najummigaanni/tigummigaanni;
2. Qisiigaanni;
3. Sisuujutigaluni backiigaanni, uani målmand pisinnaasai annertunerulaarput, tassa akeraq mianersuullugu sisoorsinnaagami nammineq felt-imi iluani;
4. Arsap tigorianerani akeraq attoqqaaraanni;
5. Arsaq piaaraluni assammik talimilluunniit attoraanni, uani målmand straffefeltip iluani pineqanngilaq.

Unioqutitsinerit allat taaneqanngitsut målfeltip iluani ajortuliaappata ajoqusiiffiup silammut nalaaniit 9 meterliniemiit frisparkertoqassaaq.

Stk. 6: Illummut isimmitsineq (indspark) – toqqaannartumik isertitsisoqarsinnaanngilaq.

Stk. 7: Teqeqqumiit isimmitsineq (hjørnespark) – toqqaannaq isertitsisoqarsinnaavoq.

Stk. 8: Målspark/Målkast - nalutsineri målspark-imiluunniit ilip arsaq 6 meter ataavartup avataani aatsaat arsaq attorsinnaavaa. Målmandip tunniussinerani ileq akeraluunniit feltip iluaniissinnaapput arsarli tassa attorneqarsinnaavoq aatsaat feltip avataani. Målspark imlt. naliullugu qeqqa qaangerluguluunniit tunniunneqarsinnaavoq. Aquttup (målmandip) arsaq assamminik sivilunerpaamik 5 sekunder tigummisinnaavaa. Sipporneqarpat frispark 9 meterimiit. Målspark/målkastimiit toqqaannaq isertitsisoqarsinnaanngilaq. Målmandili isertitsisnaavoq arsaannerup ingerlanerani nalinginnarmi.

Stk. 9: Unammineq pisariaqartitsineq naapertorlugu sivilunerusumik uninngatinneqarsi-mappat dommerip piffissamik nakkutilliusut piumaafigisnaavai nalunaaqutaq unitsikkal-larneqassasoq, arsaannerli aallaarteqqippat nalunaaqutaq aallartisinneqaaqitsillugu. Soorlu piaaraluni arsaq arsaaffiup avataanut, illorsuup qalianut, arsaaffiulluunniit avataanut arsaanneq kinguarsarniarlugu isimminneqarpat dommerip nalunaaqutaq unitsissavaa.

Stk. 10: Unamminissaq aallartisinneqarsinnaanngilaq unammisussat holdit arlaat unammi-sartunik sisanamik ikinneruppat. Taamaattoqarpat, holdi unammissussanik amigaatilik 0-3-mik ajorsartinneqassaaq.

Stk. 11: Dommerip sapingisani naapertorlugu inatsisit atuutissavai naliliisnaassutilu tunngavigalugu inatsisunik unioqutitsinerit akuleruffigissallugit. Inatsisunik unioqutitsinerit assuarnartut mianersoqqussumik (sungaartoq) imaluunniit anisitsinerimik (aappaluttoq) pillaatissiissutigisnaavai.

Marloriarluni mianersoqqussumik pissarsinerit ingerlaannartumik anisitaanermik kingunegartinneqassapput. Unamminerup sinnera anisitaasoq taarserneqarsinnaanngilaq.

Stk. 12: Unamminerup sinneranut anisitaaneq minnerpaamik tullianik unamminissamut peqataasinnaannginnermik ataatsimik kingunegassaaq. Pillaatisinissap sivissussivissaa turneringsudvalgimit aalajangerneqassaaq.

Stk. 13: Paarlaaneq (ingerlaavarteq) turneringsudvalgip paarlaasarfittut - taanna soorlu nipittartumik nalunaaqutsersimassaaq - sumiinnissaanik aalajangigaaniit ingerlanneqassaaq qaqugukkulluunniit pisinnaalluni. Målmand-imilli paarlaaneq, taamaallaat ajoqusernarmik kingunilimmik patsiseqarsinnaasoq, dommerip arsaanermik unitsitsinerani pissaaq aatsaallu allartiseqqinneqassalluni målmanditut taarsiisoq piareerpat.

Stk. 14: Holdip ataatsip målmandip saniatigut amerlanerpaamik unammisut avallassimasut 4 unammisorisinnavaai (tassa imaappoq arsaaffimiissapput inuit 5), aammalu paarlaasussat 1 – 4-nut amerlassusillit.

Stk. 15: Unammineq pisariaqartitsineq tunngavigalugu sivitsorneqartariaqassappat taanna 1 x 6 minutsinik siviussuseqassaaq (imlt. aqqissuisut piffissatut aalajangigaat alla). Sivitsuineq taanna aamma naligiinnarfiuppat isertitseriaqattaartoqassaaq (straffesparks- konkurrence), takuuk § 4, stk. 4. pkt 6.

§ 8: Unammisut allatorfiat

Holdit tamarmik unammisaqattaarnerit aallartinnginneranni, tamanna pillugu sanaajusu-mut, holdit kikkuneri nalunaarlugit allattuiffik, unammisitsisunut nalunaarutigissavaat.

Stk. 2: Holdit peqataasut tamarmik unammisartut 9 amerlanerpaamik unammisorisinnavaat.

Stk. 3: Holdit allattuiffii piffissarititaasoq eqqorlugu unammisitsisunut unamminissaq siulleq sioqqullugu tunniunneqarsimanngippata tunniussisimanngitsoq unamminermit tassani ajorsartutut oqaatigineqassaaq.

Stk. 4: Eqqunngitsunik aternik tunniussisoqarsimappat peqataasinnaajunnaanermik u-namminernilluunniit ajorsarnernik kingunegartinneqassaaq.

Stk. 5: Unammisussanut allattuiffimmi peqataasut atii siulequt naggallu, aammalu qanga inunngorneri allassimassapput.

Stk. 6: Unioqqutitsilluni unammeqataasoqarsimappat holdi pointinik arsaarneqassaaq, taakkualu akeraasunut tunniunneqassallutik

§ 9: Maalaarutit

Unammeqatigiinni siulersortip (anfører) unamminerup nalaani isumaqaruni dommeri inatsisit kukkullugit periusilersortoq, pisussaavoq, maalaarutini suliarineqarsinnaassappat, dommerip kukkunerisinnasaata kinguninngua ingerlaannartumik dommerimut maalaarutini oqaatigissallugu, tamannalu pissaaq arsaaffiup iluani.

Stk. 2: Maalaarut nalunaarutigineqartoq peqatigiiffimmit maalaaruteqartumit unammine-rup kinguninngua unamminermit aqqissuisunut ingerlateqqinneqassaaq, taakkualu tigu-neranut uppersaassapput.

Stk. 3: Maalaarut sunaluunniit unammisitsisunut ingerlateqqinneqartoq akiliuteqarfigineqassaaq kr. 200,00-mik.

Stk. 4: Aalajangiineq GBU-mut (siulersuisunut) ingerlateqqinneqassappat qaavatigut akiliuteqaqqittoqassanngilaq.

§ 10: Dommeri

Inuit GBU-mit toqqagaasut dommeritut atuutissapput.

Stk. 2: Arsaannermi inatsit tunngavigalugu dommerip unammineq aqussavaa tamatumalu saniatigut unamminerimi malittarisassaq (una) naapertorlugu ingerlatissallugu. Dommeri arsaaffimmi qullersaalluni pisinnaatitaaffeqarpoq.

Stk. 3: Naalasseriinnerit, arsaaffiulluunniit iluani atisaajartarfinnilluunniit dommerimut ajuallatsisisinnaanernik oqalunnerit imaluunniimmi unammisartunit allanit, aamma peqatigiiffiup aqutsisuinit pisut, nalunaarutigineqassapput, tamakkualu sivikinnerusumik sivilunerusumilluunniit taakkununga tunngatillugu unammisaqattaarnernit peqataasin-naajunnarsinneqarsinnaapput.

Stk. 4: Unammineq aallartitsinnagu dommerip arsaaffik unammisussallu atisaat (§ 6 tun-ngavigalugu) ajunnginnersut misissussavai.

Stk. 5: Arsaaffik unammiffiusussatut naleqqussorinngikkuniuk, dommerip aalajangissa-vaa, unamminissaq kinguartikkallartariaqarnersoq.

Stk. 6: Kukkusumik atisalersortoqarsimatillugu, kusanaatumik pissusilersortoqartillugu, unammisussat agginngitsoorsimappata, mianersoqqusissutinik tunniussisoqarsimatillugu, anisitaasoqarsimatillugu, arsaaffissap ajoquteqarluni atorsinnaanginnera pillugu unammi-nissamik kinguartitsisoqartillugu, unamminerimik unitsitsisoqartillugu, pissutsillu allat pillugit unamminerimut malittarisassani uani allasimasut pillugit qanoq iliuseqarnerit pillugit nalunaarusiortoqassaaq.

Stk. 7: Nalunaarusiat tamarmik, allaganngorlugit ingerlatassat, unamminerup kingunin-ngua unammisunik aqqissuisunut tunniunneqassapput.

Stk. 8: Maalaarutit suliarinerini (9 tunng.) dommeri pisussaavoq najuutissalluni, unam-minermi aqqissuisut tamanna kissaatigippassuk.

Stk. 9: Dommeri pisussaavoq GBU-p unamminerni malittarisassai, imminut tunniunneqar-tut paasiniaqqissaarsimassallugit.

Stk. 10: GBU-p qaqugukkulluunniit dommeri, malittarisassani piumasaqaatinik eqquutit-sinngitsoq, atorumajunnaarsinnaavaa.

§ 11: Unammisaqattarnernut ataatsimiititaliaq

Ataatsimiititaliamut GBU inunnik 2-nik toqqaassaaq aqqissuisorlu 1-mik.